

善化縣志

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...


善化縣志卷之十二

典禮


炳炳乎麟麟乎我

朝綱紀之明備也於朝見冠裳之舄奕焉於野見星使之光華
焉於官見職事之恪守焉釋菜而重學尊師祈福而爲民請
命大比而賓賢禮士序飲而養老乞言讀象魏之懸書聲傳
木鐸正農祥而載耜歌徧青郊炳炳乎麟麟乎姚姒子姬之
制作於是乎盛哉志典禮

萬壽宮圖



壽寧縣志



官廳

下馬碑

長倉

長壽殿

萬壽宮 在皇倉坪前明藩府基雍正九年巡撫趙宏恩率屬捐

建照牆東西瞻

天仰

聖二坊

今署瞻雲就日華祝嵩呼

門樓中殿正殿朝廊暨東西講約亭東側碑

亭西側更衣亭乾隆嘉慶年皆迭次重修道光二十四年正

殿災當經修復同治七年中殿門樓左右朝房漸就朽壞發

帑新修惟正殿完好亦加丹雘大門外左右改建石坊題額

一人有慶

萬壽無疆

慶賀禮儀

凡元旦冬至

萬壽聖節暨

皇后千秋令節前後三日不理刑名預設香案

龍亭排列儀仗至日五鼓文武各官朝服齊集

萬壽宮

贊禮

生贊

序班文東武西班齊行三跪九叩首禮禮畢徹班

詣朝房序坐茶畢回署

皇太后聖節禮同

上元令節自十四日至十六日文武各官俱穿朝服慶賀不理刑名

迎

詔禮儀

詔到日預設

詔案香案龍亭綵輿儀仗鼓樂出郭迎接朝使下馬恭捧

詔書置龍亭中南向使者立於亭東地方官員朝服北面行三跪

善化縣志 卷之十二
九叩首禮鼓樂前導使者上馬隨亭後行至

萬壽宮門外眾官先入文武分東西序立候龍亭至使者立亭東

西向贊禮生贊排班樂作行三跪九叩首禮使者捧

詔授展讀官展讀官跪受詣讀案前宣讀眾官皆跪宣讀畢展讀
官捧

詔書授使者使者捧置龍亭中眾官行三跪九叩首禮畢肅退使
者捧

詔授督撫臆黃頒行凡

詔書經過五里以內府州縣衛文武等官俱出城迎送

上任禮儀

凡新官上任本衙門預備儀仗前期出城迎接至署官具補

服先祀

儀門贊奏樂進位上香三獻爵跪止樂讀告文起樂三叩首興

申告文禮畢啟門詣大堂更朝服謝

恩行三跪九叩首禮拜

印行三跪九叩首禮畢更公服開印皂隸排衙吏房呈押堂事

畢入內祀

家神竈神俱一跪三叩首禮三日後牌示黎明各祠行香

附儀門告文

惟

神職司闢闔德配陰陽掌晨昏之啟閉兆出入之吉祥某奉
簡命出宰是邦謹以牲醴致祭於枋仰祈默佑祿位榮昌謹告

釋菜禮儀

凡官員到任後一二日示期行香先期備祭品

即釋菜之意

香燭

傳集襄事諸生質明本官率屬朝服至

文廟靈星門外

下輿馬步行

由左門入詣階下

贊禮

生唱

詣盥洗所濯水

進巾 就位 行三跪九叩首禮

贊詣

至聖先師孔子香案前跪上香

亞

三叩首興詣

至聖先師孔子神位前跪獻爵

亞

三叩首興詣

復聖顏子神位前

宗聖曾子神位前

述聖子思子神位前

亞聖孟子神位前

上香獻爵如前儀

復位三跪九叩首興

禮畢

十二哲

兩廡神位前教官恭代行禮引贊如儀

行香禮儀

每月朔望視各廟應穿禮服及跪叩等儀分別行禮如


文廟


關帝廟行三跪九叩首禮他祠或二跪六叩或一跪三叩

開封印禮儀

每正月開印十二月封印皆遵熙部行欽天監擇定時日行禮開印封印與上任拜印同

貢院圖





貢院

貢院在巡撫署之左湖湘書院舊址也湖南鄉試舊在武昌各屬貢監生員因洞庭險阻呈請分闈康熙四十四年巡撫趙申喬五十一年巡撫潘宗洛屢次題請俱經部駁五十五年巡撫李發甲密疏爲懇建南闈廣沛

皇仁以甦士困事看得湖廣地分南北延袤數千里而湖南七府二州所屬距武昌省城或一二千里或三千餘里不等每逢鄉試之秋遠隔洞庭八百之險又值溽暑炎蒸暴風陡發波濤騰湧舟楫傾危應試諸生屢遭覆溺今各屬貢監生員楊啟鼎等紛紛呈請俱稱湖廣分設撫藩雖與陝西江南相等原無分闈之例但陝西盡屬陸地江南只隔一江俱無洞庭

之險湖南府州縣衛學多於湖北而湖南赴省入闈者不滿
三千名湖北將近萬人祇緣洞庭危險風濤莫測裹足不前
十有七八以致諸士子情詞激切籲請具題分闈臣查康熙
四十四年十二月內經前撫臣趙申喬題請分闈又於五十
一年六月內經前撫臣潘宗洛再行題請俱經部駁未蒙

俞允臣何敢復瀆

聖聰但臣昔年身經洞庭每遇七八月秋水時至一派汪洋士子
赴試實有性命之虞與陝西江南水陸無阻者不同我

皇上好生之德如天徧覆創千古未有之盛典照臨中外無隱不
周無思不服今湖南諸生願捐三年廩膳科舉盤費歲貢旂
扁舉人會試腳價各項銀兩於長沙府設立科場見有明藩

舊址地勢寬廠建造有餘儻費有不敷再公捐補足不費國帑等情因事屬分闡大典隨批布政司查議通詳恭卽具摺奏請奉

硃批卽當具題欽此欽遵隨據布政使宋致準據衡辰岳各道辰靖等九府州移呈會詳請題前來伏懇憐才恤士之

聖恩破格

俞允差正副主考官至長沙考試分中不特湖南士子感戴

聖主高厚之深恩與天無極卽土司苗獠亦欣欣向化共仰文明之盛治於無涯矣至督學一官南北兩闡不能兼攝每鄉試之年請於湖南道員中揀委一員調度合併呈明隨會同督

臣滿保學臣李之望合詞題請卽一面鳩工庀材創建貢院

部議不準巡撫李發甲再疏爲懇建南闈廣沛

皇仁以甦士困事

臣

看得懇建南闈一案前據湖南貢監生員赴

臣衙門瀝陳洞庭危險籲請分闈

臣以關係

國家制科重典未敢造次因批布政司查議恭卽具摺奏請奉

御批卽當具題

臣仰體

皇上憐才恤士之深恩隨卽會疏題請今準咨禮部等衙門議覆

不準奉

旨依議欽遵在案

臣

何敢再爲冒昧復請茲據布政使宋致詳據

各屬貢監生等再三呈訴湖南科場比江南陝西俱設於適

中之地不同江南一水之地遠者不過五七百里易通舟楫

陝西平坦大道至遠者或一二千里有驟馬車輛可乘如湖

南之衡永寶郴靖各府州屬距二三千里地多崇山峻嶺無
 騾馬車輛可乘貧寒士子一應行李書笈豈能裹糧擔簦歷
 崎嶇以求赴試此東西陸路之難行也若經由小河亦止辰
 常靖三屬可通荊州然必由洞庭西泝之毡帽湖馬頸湖至
 荊州起旱三十里又復買舟渡湖北之瓦子長湖始達武昌
 水陸紆迴搬載更需時日卽此三屬士子轔蹶前往而此外
 各屬士子舍洞庭大湖又別無飛渡之處此河道水路之難
 行也如謂科場定例年久不便紛更然我
 皇上御極以來中外一統海內人文日盛鄉試屢次廣額會試分
 省取中

萬壽遇旬加科又將岳屬六學隔湖之南者分棚於澧州考試卽

土司苗獠俱附內地與考從前原無定例皆出自

皇上特恩則湖南分闈似亦不必苦拘定例也等情具詳請題前

來臣覆查無異伏思曩年

聖駕南巡見淮安高家堰之洪澤湖船遭風覆漂沒多人

皇上憫其危險特立救生樁保全自此救活生靈無數好生之德

如天咸覆遐邇億兆見者聞者莫不感激涕零況洞庭八百

餘里波濤洶湧甚於洪澤萬難立樁士子赴試屢遭覆溺之

慘實可矜憫今分闈以全湖南士子性命亦並無損於湖北

士子功名一經轉移是卽洪澤湖之救生樁全活無數生靈

聖恩浩蕩莫大於此臣荷蒙

天恩撫茲南土苟非真知灼見洞悉士子之情形必不敢再爲入

告且堯舜之主在上有隱必達若知而不言則壅蔽之罪百喙何辭伏乞

聖主恩允創千古未有之曠典於長沙設立科場另差正副主考官考試俾湖南未吐之才華盡發文明之氣象於取士大典倍見光昌矣疏上終格部議因改爲湖湘書院五十九年庚子編修呂謙恆典試湖廣又以湖南文風日盛遠隔洞庭不無遺珠理宜分闈密奏迨

世宗憲皇帝雍正元年癸卯七月奉

上諭禮部湖南士子赴湖北鄉試必經由洞庭湖水浩瀚無涯六月七月閒風浪尤險閒有覆溺之患朕心深爲惻然或至士子畏避險遠裹足不前又非朕廣育人材之意今欲於湖南地方建

立試院俾士子就近入場永無阻隔之虞共遂觀光之願明年
二月爲鄉試之期爾部卽可行文湖南巡撫若能於二月之前
預備場屋則於明春分湖北湖南兩闈考試儻爲期已迫預備
不及則於下科舉行至於湖廣通省取中原有定額今旣分兩
闈其取中之數應如何分別處湖南湖北巡撫公議著湖廣總
督從公酌定具奏特諭 巡撫魏廷珍布政使鄭任鑰因卽李
發甲所創書院修爲貢院迫於試期限於地勢以門則轅門
頭門龍門及東西角門在其前以所則膳錄對讀受卷良醫
內外供給在其東彌封在至公堂前西以署則監臨提調監
試在其東內簾內監試在其後明遠樓在其西至公衡鑒兩
堂在其中號舍則獨列西偏數計八千五百間卽於雍正二

善仁縣志 卷之十二 十
年二月舉行湖南鄉試是科入闈諸生近萬人號舍難容又
於提調衙門之側另立棚號南省士子共沐

皇恩皆各憲培養之功也乾隆十年巡撫蔣溥因貢院號舍不合
體制疏請重修爲密行請

訓事竊照鄉闈大典理宜諸弊肅清上年欽蒙

皇上特敕大臣釐正外場各條規並核定取中及科舉各名數將
見歷來積弊可以徹底澄清惟查湖南自雍正元年欽奉

世宗憲皇帝恩旨與湖北分闈鄉試始於長沙省城建設貢院趕赴

雍正二年

恩科試期工程不無簡略臣上年入闈親爲查勘見士子號舍各

省俱一面向外鱗次建造從無有一號之中南北對面者湖

南則每號一間中用泥壁隔斷分爲前後兩號南北各向士子進號對面而坐隨意問答無從稽查每滋弊竇舊例每十號用號軍一名各省號軍俱倚前號牆後設爐扇火供士子茶湯之役湖南因士子對坐號軍爐竈無處安頓俱就號口柵外炊爨進出不時柵難關閉此輩出入易滋傳遞作奸之弊臣於上年鄉試叨任監臨雖分委多員巡查殊難信其弊之盡絕因思從前一時急就今則分闈有年似難因陋就簡使弊端難於肅清近日接準部咨湖南正額已核定四十四名取錄科舉三千六百名貢院號舍見共八千五百號正好減去大半止用五千已屬充足隨與司道各員公同商酌估計湖南號舍一間分作兩號原屬淺窄以臣所歷京師貢院

號舍並所見江南浙江等處號舍較之俱屬寬廣加倍應將湖南舊存號舍兩號改爲一號中間之壁拆去堵塞北面止用向南一面計八千五百號可得四千二百五十號號舍之外隙地尙多再添建七百五十間以足五千號之數以各號拆去之輒瓦湊用工料可以節省至號舍地勢稍低每遇鄉試偶有小雨卽易於灌入以致士子沾體塗足殊堪憫惻應於號簷開溝一道通於號底牆外四角隙地各開一池便水流瀦約計工料各費共需銀一千五六百兩仰荷

天恩可否

特降諭旨令

臣

酌量將存公銀兩內估計撥用如蒙

聖鑒俞允

臣

於今歲冬底擇期興工預爲料理以備下科鄉試之

用庶各號一例南向號軍炊爨有地不致柵口進出無時於
嚴杜弊竇之中仍寓

皇上特恩體恤之意

伏乞

皇上訓示乾隆十年四月奉到

硃批事屬可行然無庸特降諭旨也咨部知之欽此嗣因蔣溥晉
秩少宰未經舉行楊錫紱接撫湖南長沙副榜高拔及各府
州縣七十九庠聯名呈請將通省本年科舉盤費廩餼銀兩
捐修號舍由布政使徐杞申詳巡撫楊錫紱據情專疏

竊查湖南貢院號舍南北對坐窄狹擁擠地勢低窪陰雨泥
濘種種未善經前撫臣蔣溥奏請改修動存公銀一千五六

百兩俟鄉試之年動項修葺在案臣查來歲丁卯屆鄉試若俟春夏始修急雨水時行多有未便隨飭布政司委員趁今冬卽行興修去後茲據布政司徐杞詳據各府州紳士高拔等聯名呈稱湖南鄉試原附武昌入闈蒙

世宗憲皇帝軫念洞庭往返之險

特命分闈於長沙設立貢院第鳩建之始營造未得如式前院於甲子科目擊情形因奏請兩號改爲一號疏通水道約需公帑一千餘兩查湖南號舍所以南北對座者因一號分爲兩號中間分脊之處係一土牆兩邊排比之牆又止一甃壘上甚爲單薄今若拆去中間土牆通爲一號勢必易致傾圮且號舍地低而四圍地高雖開水道適遇久雨亦終難免浸溼

應請將舊存號舍拆卸填築窪地再照各省式樣修建號舍
方爲一勞永逸又各省號舍俱在至公堂之前東西排列湖
南貢院號舍盡建於至公堂之右側別爲一處亦屬非體今
旣改建應將謄錄等所移置空地而建號舍數百間於左側
另於至公堂前建明遠樓一座則稽查便而體制亦合所有
經費生等公議不動帑項將丁卯年科舉盤纏及廩膳銀兩
捐出應用在士子不費一錢而號舍得以如式規模得以整
頓免苦累而絕弊端沐恩實無涯矣等情到司本司等又查
得貢院四圍土築牆垣低矮單薄易滋弊端應行另築高厚
又轅門照壁鼓樓瞭望等應行添設共估計需工料銀六千
餘兩詢之紳士無不異口同聲情願一同改建整理似應如

通省士子之請將所摺稟科舉廩膳銀兩照直省貢院之式
逐一整頓查通省科舉盤纏銀共四千八百八十兩廩膳銀
共五千餘兩應先動科舉之銀再將廩銀湊用有餘應推給
各廩生收領等因呈詳到臣復率同司道親赴貢院勘明
無異伏查雍正二年湖南初建貢院係士子公捐銀兩應用
今各士子因前撫臣蔣溥有請改原號八千閏爲五千之舉
恐工多無費一時補葺終難經久並請願將體制未協之處
一並整理呈請捐出科舉廩膳二項銀兩由布政司徐杞詳
請前來臣查與前例相符除飭遴員估計工費據實造冊報
部外所有闔省士子情願捐公項修改貢院緣由據實奏

允報可十二年春委長沙府知府呂肅高署永順同知鮑啟泌監
修長沙知縣李大善化知縣魏成漢襄事督工酌買民地
遴匠輦材擴照壁轅門於外轅門內爲外供給爲鼓亭爲頭
門爲東西角門爲東西官廳改頭門爲龍門爲東西角門改
龍門爲明遠樓東西爲面南號舍五千閒東一千閒西四千
閒東後爲內供給彌封所掌卷所良醫所最後爲受卷所西
後爲謄錄所對讀所惟至公堂衡鑒堂內簾內監試監臨院
提調監試署俱仍舊三十年乙酉驛鹽道熊學驥見號舍舊
止坐伏二板於士子起居不便捐俸各添置坐板一塊四十
二年巡撫顏希深以號舍內外均係泥地如遇雨水泥溇難
堪飭令一體墁輒因試期迫近未果四十三年巡撫李湖飭

催修理知縣彭鳳堯同長沙縣范元琳詳請於鹽庫匣費加增公項下領銀九百兩零號內一體墾輒號口修嵌麻石五十一年巡撫浦霖又捐俸將號舍甬道中砌石條旁甃碎輒開溝導水俾得高燥實爲嘉惠士子盛舉嘉慶二年長沙府屬紳士於東轅門外捐建賓興坐棚二處九年甲子巡撫阿林保入闈監臨知貢院內舊拱辰泉井水故清冽每至士子入場時則飛蟲撲緣色味俱變飲之輒病水皆仰給於外因敬齋藏香至井祭禱水忽清冽用資汲取迄三場如故因改拱辰泉爲儲英泉典試吳廷琛記其事此貢院修建始末也

重修貢院號舍記巡撫楊錫紱撰貢士於天子曰貢三年大比屬棘而試曰貢院湖南貢院在長沙城北隅其始蓋湖湘書院也雍正元年特命南北湖分闈鄉試例建貢院時觀赴試不無艱歷

光期促百務草創限於地列號西偏其體制與他省迥異風
 簷苦之乾隆十年前撫臣蔣溥以修葺入告經部覆準未經
 舉行旋晉秩少宰乙丑夏絛恭膺簡命接撫湖南歲丙
 寅率司道等於貢院週遭相視思恢厥制正籌畫經費適長
 沙副車高拔聯七十九庠公請本科允報賜盤纏是年廩
 餼銀兩踴躍出捐隨據情轉達蒙允報可遂於丁卯之
 春委員庀材鳩工改號舍於東西兩翼計五千間建明遠樓
 於甬道之中其儀門頭門東西官廨皆擴而出之另購民地
 以爲屏牆及外供給所西號舍後置膳錄對讀二所東內供
 給所後置彌封掌卷二所細至門垣屏楔井涸庖溷之屬按
 具如法既堅且碩丹雘一新是秋循例監臨坐至公堂見羣
 賢執事容與嚴翼環視廣庭雙槐拱霄吟聲驚籟相爲酬
 答諸生以前跼蹐之艱忽得展從容之樂高明潔固士氣方
 伸予方慨夫科名爵祿之階梯半發迹於青衫布鞋之日三
 條紅燭甘苦備嘗豈事過境遷備官而忘之欽惟聖天
 子敦儒崇道宸翰儼如日星有味其言儒林當思若何
 報塞以上答主知平規模既壯盛典聿昭絛於樂於觀成
 言曰天下事大可爲如賈子云愚民難於慮始而樂於觀成
 始予以工鉅費繁爲慮乃諸士同心規模頓易信乎士之超
 出齊民而有志者事竟成也由此以推世固未有上作而下
 不應者絛忝封疆之任益勵厥修爲諸同官各屬倡實心實
 政以教以養安見不俗臻上理而足慰聖天子之南顧

哉因颺筆而記其事是役也總其綱者為布政使溫福按察
 使周人驥糧儲道王一夔驛鹽長寶道嚴有禧衡永彬桂道
 朱陵岳常豐道淑寶辰永沅靖道永貴據土情轉達者為長
 沙府知府呂肅高衡州府知府張為聰永州府知府沈永肩
 寶慶府知府王璋岳州府知府黃凝道常德府知府曹階辰
 州府知府陳嘉穀永順府知府駱為香沅州府知府董思恭
 署直隸郴州知州寶慶府通判朱偉業署直隸靖州知州長
 少府同知逢琦直隸澧州知州何璘直隸桂陽州知州汪度
 董其役者為永順府通判鮑啟泌襄事者為長沙縣知縣李
 大本善化縣知縣魏成漢督工者為通道縣典史勞宏仁善
 化縣典史沈心培例並書儲英泉記典試吳廷琛撰嘉慶甲
 子歲琛奉命典試湖南事既竣監臨巡撫阿公告琛曰
 是役也諸生五千人在號舍南北者最大廣深若池諸生所用咸此
 貢院有井六在號舍南北者最大廣深若池諸生所用咸此
 之汲而供也以其在闈中平日無汲者然水故清冽往歲諸
 生入場時井水則變飛蟲撲綠色味並異飲之輒病仰給於
 外穴牆而灌連筒而引傾入木罌中泥汚日炙隔宿則溼不
 可食余入闈時深以為慮敬齋藏香至井所祭而禱焉俯而
 窺黝然淳然退而憐憫焉慮其變也而井故無異迄三場如
 故余所需亦取給焉諸生之老於場屋者咸以為未有十七
 日余露坐庭中見有擔而過者猶清冽也竊謂井安得變殆
 汲者憚勞為斯言以弛其力以坐待外注之水耳翼日晨起

汲者以井變告取而嘗之則惡不可飲余因言於眾曰此非
井之變也乃人心之自變爾月令仲冬之月祈祀四海大川
名源淵澤井泉漢唐制禮井列五祀之一今以五千人而仰
汲於一井人多用廣其必有司之者明甚水者民之所賴以
生五方之水有輕重清濁緩急之不同而民之性情氣體因
之以別古者夏至之日浚井改水所以節宣五行之用調變
五味之元是以水官不失職而民無疵癘其事甚常而其理
至微苟人與水不相宜則必有陰受其患者矣且王者德及
后土則地出醴泉大臣誠貫幽壤則井竭復湧感召之理昭
昭不爽方余敬謹將事賴井泉效靈得以給五千人之求迨
敬心稍弛而其變也曾不踰時則凡臨事烏可以不敬而後
之主斯事者又烏可以稍玩乎哉琛旣備聞公言因為文以
記之以告後來者井鑿於乾隆己卯歲井旁有亭亭中有碑
舊名拱辰泉於義無取公易名儲英云公名阿林保滿洲正
白旗人

同治五年貢院籌添沙水記

省城內外泉水以白沙井為第一在南門外里許距貢院頗
遠不易致也道光十二年巡撫吳榮光以鄉試屆期貢院頓
添萬餘人雜取城中各井水良惡不一清濁混淆飲之恐生
疾病特令籌款雇覓人夫汲取白沙井水以供士子日用之
需實屬法良意美惟水由龍門左側灌入便於東路號舍而

西路號舍不能徧及且西路號舍數倍於東近年又添數千

閒皆在西北水少人多更覺不便同治五年長沙府知府孫

翹澤以貢院後新修房屋二棟招人佃住歲可得租錢百餘

緡交府學宮董事經營每逢鄉試即以頂為辦理沙水之

用添派管水官一員監督於貢院東北隅圍牆外搭蓋棚廠

多雇挑夫置備水桶安設木規俾得源源灌入以供西北號

舍士子之用以公濟公無另行籌款

之煩一時應試者咸頌功德不置云

附光祿寺卿呂公增祀潘中丞祠碑記

國家典祀有名宦鄉賢從祀 聖廟衡文 欽使惟學

政之賢者得入名宦而典鄉試者不與蓋既無地治之責而

感恩知已門下士外無人焉然采風之餘果能畱心地方利

病入告賢先儒之後如康熙庚子典試湖廣編修呂公謙恆

食於先賢先儒之後如康熙庚子典試湖廣編修呂公謙恆

是也方大湖南北未分闈以前湖南士子阻於洞庭應試者

少先後以分闈題請者中丞趙公申喬潘公宗洛李公發甲

皆格於部議迨雍正甲辰始克舉行一時士林感戴 聖

天子嘉惠之德而頌三公之功不衰而不知呂公之有力於

是舉尤當沒世不忘也方公主試湖廣時既以湖南文風日

盛遠隔重湖不無遺珠亟宜分闈密奏繼由編修轉御史適

當雍正初元復申請焉事詳志乘及方望溪侍郎所為公墓

誌以是知分闈之舉三公始之公實成之崇德執功理宜一

致今三公祀名宦且均有專祠惟公祀典闕如雖一代名臣不以一祠增重而德施宏遠湘人士世世賴之烏可忍視爰集同人議於府學宮側潘公祠增入公位辨香肅奉揚烈頌芬釋菜分儀垂恩儲社摠懷舊之蓄念發潛德之幽光縷列事由用誌諸石後之覽者應有感於斯文公字澗樵河南新安人官至光祿寺卿今會城別祠祀前長沙太守呂公肅高卽公孫也例得附書同治九年庚午歲冬月湖湘後學謹誌

謹案貢院號舍道光以前共計新舊號舍七千二百六十四號咸豐八年增建五百號十一年增建一千號同治四年增建一千五百八十六號總計一萬零三百五十號光緒二年因上屆人數較多不免遺珠之恨眾議捐置地基將謄錄對讀各所改建除號軍火號不計外實共成士子坐號一萬二千三百六十四號

又案同治八年改建頭門龍門又拓照壁及東西轅門於外

照壁添建二門均較舊制益增宏敞

又賓興坐棚在貢院東轅門外嘉慶六年士紳捐建街南坐棚寬六丈八尺長三丈五尺街北一棚前寬三丈二尺後寬二丈七尺長八丈八尺因年久朽敗街北一棚久廢同治八年展拓轅門照牆將街南一棚亦行拆毀另於東轅門外購買地基修建坐棚惟限於地勢較舊制稍隘近科人數較多須再籌增廣

雍正元年奉

上諭聞各省鄉試房考凡州縣官由科甲出身者止許入闈一次夫房考以秉公精鑒識拔文才爲主何論曾否入闈嗣後凡遇鄉科各省督撫臨場調齊科甲出身之員不論已未分房監臨

試以時藝一篇

乾隆五年增策一道

其文理優長者入內簾房考荒疏者

供外場執事則分校得人而佳文盡拔矣欽此

雍正十三年奉

上諭國家大典首重掄才我朝培養多年人才日盛是以

皇考御極之初於三年大比之外特開鄉會恩科廣錄俊乂所以鼓

舞而振興之者至爲周備今朕纘承統緒照雍正元年特開恩

科之例舉行茲典乾隆元年係丙辰會試正科著於八月舉行

鄉試乾隆二年二月舉行會試以副朕興賢育才之至意欽此

乾隆元年奉

上諭國家制科取士爲主司者務宜矢公矢慎藻鑒不爽以襄盛典乃正副考官各有各任已見不能和衷去取之間互相爭執

遂有庸格而濫充中額佳文而反遭擯棄夫衡文之道公則生明似此各懷成見各挾私意已失鑒空衡平之義更何以表率房考使之虛心甄別銖兩悉稱乎且分校者取舍未當尙藉主考搜閱落卷以補缺失至於主考剛愎自用致使去取不得其平各將誰歸茲當鄉試伊邇凡有衡文之責者各宜一洗積習無負任使至於三場取士斟酌華實定制已爲盡善士子若果知古知今二三場儘足發揮才調至頭場經藝本代聖賢以立言自當循循矩矱先民是程非四子六經濂洛關閩之粹言不可闌入前蒙

皇考世宗憲皇帝特降諭旨以清真雅正爲主誠以膚浮者非有物之言而詭異者非立誠之旨文品人品恆相表裏雅鄭之分淄

澠之辨不可不精也司衡者尤宜畱心區擇以得真才實學之士朕實有厚望焉欽此

乾隆四年

御製扁額

旁求俊乂

御製對聯

立政待英才慎乃攸司知人則哲

與賢共天位曷哉多士觀國之光

乾隆九年

御製詩並敍

幸翰林院賜大學士及翰林等宴因便閱貢院乃知雲路鵬程誠

不易易也得詩四首

翰苑瓊筵酌令辰棘闈來閱鳳城闈百年士氣經培養寸晷簷
風實苦辛自古曾聞觀國彥從今不薄讀書人白駒翹羽傳周
雅佐我休明四海春

盡道文章接上台菁莪樂育濟時才千秋得失非虛也咫尺雲
泥亦幻哉若有淚眶啼桂落那無笑口對花開鳳池多少簪毫
者都向龍門燒尾來

萬里扶搖正翮搏飛龍利見豈爲干志賢聖志應須立言孔孟
言大是難見說經綸推國士從來桃李屬春官但令姓字朱衣
點那惜三條淚燭殘

周遭闡棘院沈沈景物當前總入吟材擬圭璋方特達文歸雅

正薄艱深禹門魚變辭凡水喬木鶯遷出故林寄語至公堂裏
客莫教冰鑑負初心

乾隆十年奉

上諭三載賓興國家舉賢右文之大典必諸弊悉去然後可以拔
真才所謂稂莠不翦則嘉禾不生其理顯然歷來查弊之法不
得不嚴者此正愼重科名厚待良士之道昨歲朕親臨貢院徧
觀堂所周覽號舍矮屋風簷備極辛苦深可軫念比賦四詩命
刻堂壁可以知朕心矣今歲會試已展限三月以待春溫嗣後
卽以爲例欽此

乾隆十年奉

上諭國家設科取士首重四書文益以六經精微盡於四子書設

非讀書窮理篤志潛修而欲握管揮毫發先聖之義蘊不大相
逕庭邪我

皇考有清真雅正之訓朕題貢院詩曰言孔孟言大是難乃古今之
通論非一人之意說也近今士子以科名難倖獲或故爲艱深
語或矜爲俳麗辭爭長角勝風簷鎖院中偶有得售彼此倣效
爲奪幟爭標良技不知文風日下文品日卑有關國家掄才大
典非細故也夫古人之論文以渾金璞玉不雕不琢爲比未有
穿鑿支離可以傳世行遠者至於詩賦揆藻敷華雖不免組織
渲染然亦必有真氣貫乎其中乃爲佳作今於四書文采綴詞
華以示淹博不啻於孔孟立言本意相去萬里矣先正具在罔
識遵從習俗難化職此之故嗣自今其令各省督學諸臣時時

訓飭鄉會考官加意區擇凡有乖於先輩大家理法者擯棄弗錄則詭遇之習可息士風還淳朕有厚望焉該部通行中外知之欽此

乾隆二十一年禮部議覆湖南巡撫陳宏謀條奏議準科場最關緊要者莫如彈壓士子搜檢懷挾收貼試卷約束兵丁等然皆八月二十日以前可以完竣其督率謄錄對讀封送試卷及供給之事有提調監試兩道員可以辦理嗣後巡撫監臨俱於八月二十日以後出闈其闈中事務交與監試提調督率辦理不必又令藩臬入闈其場外巡查該撫於出闈後卽委中軍駐宿貢院門外巡邏稽查以昭嚴肅

乾隆二十二年議準御史袁芳松奏自乾隆己卯科鄉試爲

始於第二場經文之外一體試以五言八韻唐律一首乾隆四十年
七年改詩於第一場其鄉試所出詩題限用官韻即於場中將本韻另
 刻一紙給發均照會試之例一體辦理

乾隆三十五年奉

上諭國家茂膺多福瑞祉駢臻思與海內同茲嘉慶粵在壬申辛
 巳兩遇

慶典再開

萬壽恩科今歲為朕六十誕辰明年恭逢

皇太后八旬萬壽仰惟

慈禧光被歡洽敷天允宜申錫無疆彙徵叶吉用彰行慶作人之盛

著於本年八月舉行恩科鄉試來歲三月舉行會試俾多士忭

舞觀光副朕錫類延釐至意該部卽遵諭行欽此

乾隆四十三年奉

上諭大學士管兩江總督高晉浙閩總督楊景素等合詞陳奏以江浙臣民望幸甚殷且河工海塘皆冀親臨指示懇請於庚子春再舉南巡盛典以愜輿情一摺著照所請於乾隆四十五年正月諏吉啟鑿巡幸江浙便道親閱河工海塘所有各處行宮坐落但就舊有規模略加葺治毋得踵事增華致滋繁費至該督等以庚子年適逢朕七旬萬壽欲就近舉行慶典則斷不可朕本意以庚子年爲朕七旬慶辰越歲辛丑卽恭逢

聖母九旬萬壽斯則敷天同慶自當臚歡祝嘏以抒萬姓悃忱今旣不能遂朕初願尙復何心爲己稱慶况朕蹕途所經老幼歡迎

扶攜恐後未嘗不顧而樂之若經棚戲臺侈陳燈綵點綴紛華飾爲衢歌巷舞深所不取且非所以深體朕意也不特江浙臣民不當爲祝釐之舉卽凡內外大小臣工於朕七旬萬壽亦均不得請行慶典以及獻貢獻詩若伊等謂欲藉以申其尊敬之誠是轉增朕之不悅尙得謂之忠愛乎但天下士民遇朕七旬皆不免望恩倖澤此則情理之常朕亦何肯因不舉行慶典並靳恩施乎著於己亥年八月舉行恩科鄉試庚子年舉行恩科會試以彰壽考作人之盛其開科事宜著交禮部查例辦理將此通諭中外知之欽此

乾隆四十三年奉

上諭文以明道自當以清真雅正爲宗曾諄諄訓諭而文風總未

能醅蓋非一朝一夕之故本年會試闈中進士前十名卷朕詳
加批閱文體較爲純正尙不失制藝之本發榜後詢之大學士
于敏中據奏近年風氣喜爲長篇又多沿用墨卷膚詞爛調遂
爾冗蔓浮華卽能文者亦不免爲趨向所累等語士子平日殫
心經術探討古文及時文諸大家以立其體作文尤須體會先
儒傳說以闡發聖賢精蘊獨出心裁屏除習見語其文自然合
度何必動輒千言因陳不察邪昔陸機云要辭達而理舉固無
取乎冗長韓愈云惟陳言之務去二語實文章之正鵠士子宜
深味其言嗣後鄉會兩試及學臣取士每篇俱以七百字爲率
違者不錄其庸熟墨派悉行剔除又或過爲新奇墮入牛鬼蛇
神惡道尤在所澄汰操觚者慎毋掉以輕心司衡者各宜示以

正軌務期風會蒸蒸日上以副朕崇雅黜浮之至意將此通諭中外知之欽此

乾隆四十七年議準副都御史覺羅巴彥學奏稱嗣後鄉會試將二場排律詩一首移置頭場制藝後卽以頭場之性理論一道移置二場經文後

乾隆五十八年裁去論一篇五經各出一題

三場五策

照舊舉行

乾隆五十二年大學士九卿議準鄉會試二場向用經文四篇論一篇伏思士子束髮受書原應五經全讀自應於鄉會試二場酌改每經各出一題惟士子專習一經奉行已久明歲卽屆鄉場爲期甚近若卽改用五經考試或致二場不諳題解背謬經旨難於取中查宋臣朱熹有將各經分年試士

之議應先請仿照其法自明歲戊申鄉試爲始鄉會五科之內以次考畢五經卽邊省小省經輪年考試之後亦俱能誦習五經曉悉義旨再於鄉會試二場裁去論一篇五經各出一題此後卽作爲定例

乾隆五十二年奏準各生於二場試卷謄眞後默寫頭場或首藝次藝或小講或起比或中後半篇或試帖一首聽考官臨時酌令默寫於填榜前先將中卷比對如互異在十數字以內文義不甚相懸者仍可取中至歧誤過多優劣迥殊者概不可取中直省一體遵照

嘉慶八年奏準默寫頭場詩文互異在十字以內者方準免議

乾隆五十二年奉

上諭前據王公大臣及直省督撫大吏等以乾隆五十五年朕八

旬慶節請舉行萬壽慶典朕以內外臣工等臚歡祝嘏出自積誠是以降旨允行朕臨御五十餘年壽躋上耄五世一堂篤慶錫光歡騰率土宜沛特恩用光鉅典除恩詔條款屆期頒發外所有下屆鄉會試正科著於五十三年八月五十四年三月預先舉行五十四年秋舉行恩科鄉試五十五年春舉行恩科會試以示朕樂育敷恩壽世作人至意欽此

乾隆五十三年正月欽奉

上諭嗣後鄉會試二場裁去論一篇改用五經各出一題明歲戊申科著先以詩經出題次年會試著用書經再次用易經以後按鄉會科輪用禮記春秋俟輪試一周後再以五經並試庶士子漸次兼通講求精熟不致臨時草率應試欽此

乾隆五十七年覆勘大臣紀昀等奏準查考試春秋向用胡安國傳而胡傳一書中多有經無傳臣等細查通部可以出題之處不過數十卽於本年鄉試竟有一題而五省同出者其三四省相同不一而足士子不讀全經不知本事但記數十破題便敷入試之用且胡安國當宋南渡時不附和議作是書以諷高宗而斥秦檜其人品自屬剛正而借經立說與孔子之意不相比附恭讀

聖祖仁皇帝欽定春秋傳說彙纂駁胡傳者數十百條

皇上御製文曾闢其說本科所用以重複相同之題習偏謬失當之論殊覺無謂應請嗣後春秋題俱以左傳本事爲文參用公羊穀梁之說在三傳親承聖教旣較三千年後儒家之說

爲得其真而士子不讀左傳不能成文亦足以勸經學而裨
文風

乾隆五十八年咨準查壬子科鄉試五經輪試已周嗣後鄉
會試應五經並用查五十二年大學士九卿議準五經輪試
畢後鄉會試二場裁去論一篇五經各出一題作爲定例等
因在案應再行申明各省一體遵照辦理

乾隆五十八年奉

上諭朕仰蒙

昊蒼眷佑纘

緒凝庥臨御以來海寓敕寧遐方向化膚功熙績幸躋十全今當踐
昨年滿六十實二十五卽位之人君所難得也前曾降旨於六

十一年歸政允宜愷澤覃施與海內臣民斂時敷錫而嘉惠士林之典尤應預爲舉行著於乾隆五十九年秋特開鄉試恩科六十年春爲會試恩科至六十年秋卽爲嗣皇帝恩科鄉試丙辰春閒卽爲嗣皇帝元年恩科會試所有應行事宜著該部照例預備其各直省舉人大挑著於六十年會試後該部奏請辦理但此時雖距歸政之期不遠朕惟有日益孜孜不敢稍存盈滿以期與天下蒼生共迓

天眷之福將此通諭知之欽此

嘉慶三年奉

敕旨皇帝以庚申年爲朕九旬萬壽率領王貝勒大臣及將軍督撫等籲請舉行慶典恭祝蕃釐覽奏具見孝思誠悃朕仰膺

吳眷撫御筵絃篤祐凝禧躬躋上壽一堂五世慶衍雲祚前於丙辰
元旦肇舉授受鴻儀三載以來孜孜訓政勿敢稍自暇逸豐登
屢告暘雨應時此皆仰荷

上天錫祐

列祖垂庥景運昌期洵爲史牒所罕觀敬感之餘彌深乾惕何敢踵
事增華稍存滿假況川省教匪雖將次平定而餘氛見尙未淨
宵旰方切焦勞豈肯侈陳隆軌惟念皇帝合萬國之歡心以天
下爲孝養臚辭籲請至再至三若卻而弗受轉似矯情非所以
仰承

天貺且無以申皇帝誠孝之心愜臣民祝嘏之願不得已姑允所請
於庚申年舉行慶典一切儀文俱照康熙六十年及乾隆五十

五年朕入旬萬壽典例辦理毋得稍有加增致滋華靡此次慶節率土騰歡宜沛殊恩用光鉅典所有應行加恩各事宜俟查明頒發詔旨恩諭外至文武鄉會試尤爲作人盛典著於己未年舉行恩科文武鄉試庚申年舉行恩科文武會試以示衍慶推恩至意將此通諭知之欽此

嘉慶四年奉

上諭

皇考龍馭上賓普天哀痛所有己未庚申文武鄉會試

恩科著停止舉行欽此

又奉

上諭上年籲請恭辦

皇考九旬慶典欽奉

赦旨特開鄉會恩科本年正月內猝遭

皇考大事朕當哀痛迫切之時曾降旨因慶典既不能舉行並將恩科停止茲過百日後復思開科一事乃

皇考嘉惠士林至意今朕不獲祝嘏承歡以天下養愜率土臣民之願而惟此作人盛典爲

皇考已沛之恩自應仰體

聖慈無庸停止俾天下士子仍得普沾

遺澤倍深感慕所有恩科文武鄉試著於庚申年舉行其文武會試著於辛酉年舉行欽此

嘉慶十三年二月湖南巡撫景安等奏稱請將苗疆士子及

苗生等鄉試另編字號分別取中一摺遵

旨議準嗣後鳳凰乾州永綏三廳並永順府屬之保靖一縣應試士子數至三十名以上另編爲邊字號於本省額內取中一名如不及三十名仍歸通省取中無庸另編字號至鳳凰乾州永綏保靖四廳縣苗生應試人數在十五名以上者另編田字號額外取中一名如不足十五名仍附通省取中無庸另編字號卽將來應試人多亦不得於額外加取以示限制

嘉慶十四年

仁宗睿皇帝五旬萬壽特開鄉會試恩科

嘉慶二十四年

仁宗睿皇帝六旬萬壽特開鄉會試恩科

道光元年

宣宗成皇帝登極特開鄉會試恩科

道光十一年

宣宗成皇帝五旬萬壽特開鄉會試恩科

道光十五年

恭慈康豫安成皇太后六旬萬壽特開鄉會試恩科

道光二十一年

宣宗成皇帝六旬萬壽特開鄉會試恩科

道光二十五年

恭慈康豫安成莊惠壽禧皇太后七旬萬壽特開鄉會試恩科

咸豐元年

文宗顯皇帝登極特開鄉會試恩科

咸豐十年

文宗顯皇帝萬壽特開鄉會試恩科

湖南鄉試係同治元年補行

同治元年

穆宗毅皇帝登極特開鄉會試恩科

並補行咸豐十年恩科

光緒元年

今皇上登極特開鄉會試恩科

鄉試入簾禮儀

每逢鄉試之年

欽差主考官到省監臨提調監試各差官出郊迎接鼓樂執事迎

主考駐公署不拜會其提取本省屬員入簾俱限八月初一

日到省至日卽入公所概不謁見上司監臨卽發封條封門
示期考試簾官至八月初六日清晨臬司與提調監試道員
同至藩司公署差官持請啟赴監臨巡撫轅門先請第一次
又差官持請啟赴正副主考公署請第一次又差官持藩司
名帖赴學院衙門請第一次隨差官持聯銜手本赴監臨轅
門稟請三次監臨朝衣至紫微堂賓興宴所復差官持兩司
提調監試名帖請主考學院至宴所兩司提調監試接至滴
水階下監臨接至滴水前相見揖畢正副主考率同各官望
闕行三跪九叩首禮謝

恩各屬員及內外簾官俱向上三揖兩司提調監試先安正主考
中左席次安副主考中右席再安監臨左席學院右席主考

與監臨學院同安兩司提調監試席餘皆一揖入席宴畢先
雜職行次簾官次府佐次提調監試次兩司次正副主考行
次監臨最後行至貢院兩司提調監試各內外簾官並候監
臨至始同主考陞至公堂公座兩司提調監試上堂相見內
外簾官各謁見茶畢監臨率兩司提調監試送主考入衡鑒
堂監臨分派內外簾官及執事文武各員弁畢率提調監試
內外簾官祭魁星行一跪三叩首禮內簾內監試及內外簾
官以次入發監臨封條封內簾門嘉慶戊辰

恩科詳明停止入簾宴凡場內恭遇

萬壽聖節備彩亭香案於至公堂階前屆期五鼓監臨率提調及
外簾等官朝服望

闕行三跪九叩首禮監試官旁立糾儀內簾主考率同內簾各官於衡鑒堂階前望

闕行三跪九叩首禮

鹿鳴宴禮儀

凡放榜次日司道俱至鹿鳴宴所仍差官持請啟請監臨主考學院與賓興宴同監臨主考學院俱朝服至相見畢率新中式舉人望

闕謝

恩行三跪九叩首禮畢各舉人按名次分班拜謝二主考行一跪三叩首禮起立三揖次拜謝監臨學院及兩司提調監試與府廳內外簾官皆行一跪三叩首禮各官並答揖畢各官安

席與賓興宴同兩司以下官向上三揖入席各舉人向上三揖赴席笙歌鹿鳴之章宴畢舉人趨出大門外分立兩旁候主考監臨學院各官過鞠躬恭送禮畢

凡武鄉試巡撫會同提督先考試外場次考內場委官祭魁星與文場同至放榜次日赴布政司飲鷹揚宴各官率領武舉望闕謝

闕謝

恩行禮儀節與文鄉試鹿鳴宴同

謹案以上禮儀皆照舊志而見行事例則有大不同者入簾在巡撫衙門會合鹿鳴鷹揚二宴亦在巡撫衙門舉行不往藩署又武鄉試巡撫爲正主考副將爲副主考不復會同提督

鄉試見行事宜

一舊制提調布政司監試按察司部議藩臬乃錢穀刑名總
匯以藩臬爲外提調外監試不入闈每屆鄉試詳委糧儲鹽
法二道爲內提調內監試入闈嗣奉部文監臨提調監試內
如無科甲出身之人卽於兩司中有科目出身者酌派一員
入場其印務卽委道員署理乾隆元年以同考官有爭卷爭
中額之失又添設內簾監試一員或道或外府亦至期詳委
又貢院頭門點名官詳委知府二員府同知二員會同分東
西兩路查點並於頭二三場點名畢後兼司闈外晝夜巡察
轅門點名官詳委長沙府教官暨各學教官共四員分東西
兩路查點善化縣在外供給亦兼司查點內供給官仍係長
沙縣住宿場內督辦供給毋庸另行委員協辦

光緒二年改
三路開點

一調取本省入簾屬員俱限八月初一日到省至日卽入公所其在省之員亦如期關防公所概不謁見上司仍由監臨判發封條封鎖委員巡邏每日供給官驗放薪水聽候監臨院示期將調取各簾員官嚴密關防考試優劣俱入闈內以便臨期酌派內簾外簾執事

一內簾同考試官九員照卷數均勻派閱外簾五所共十三員受卷所四員彌封所二員謄錄所三員對讀所二員掌卷所二員內簾收掌試卷官一員例於舉貢正途出身之佐貳內選用內簾於府佐州縣由科甲出身者聘充外簾於府佐州縣以及試用知縣州佐等官由科甲出身者聘充

同治丁卯科添

同考試官二員共十一員

一場內場外需用執事小委各官每屆例於各屬縣丞巡檢
內詳委臨期分派執事需用瞭望巡邏搜檢各武弁兵丁例
移撫標長沙協派撥

一膳錄對讀每屆查照詳定名數於各屬正身書辦內派取
至期解司委員考驗關防臨場點進

一闡外管水官歷係長善二縣典史經營其貢院圍牆外管
水官二員係由藩司另派佐雜二員稽查近科添委一員

一正科鄉試在於額存三年公項銀兩內支給主考盤費銀
一千二百兩

恩科之年卽於撥款內動支

一鄉試之年除舉人每名例給牌坊銀二十兩外長善二縣

請領承辦供應修理等項銀三千六七百兩不等除動支司
庫正額科舉銀二千六百三十六兩外每屆詳撥不敷銀一
千兩

恩科之年俱動支撥款場竣長善二縣造冊核實報銷餘銀仍歸
原款報部嗣因入場士子廣額正額不敷支用詳定在於通
省府州縣養廉銀兩攤捐湊用概交長善二縣承辦今攤捐
業經停止仍詳委州縣二十四員幫辦供給以全公務

一入簾鹿鳴二宴照向例巡撫衙門舉行嘉慶十二年丁卯
科詳明照例停止入簾宴

一湖廣舊中九十九名雍正元年奉準分闈部議照額平分
其多一名處兩闈輪科分中雍正二年甲辰部議湖廣舊中

五經五名亦著輪科分中雍正八年庚戌部議加中五經副榜不拘名數雍正十年壬子改天柱五開銅鼓衛屬黔省部議減二名歸黔闡乾隆十二年丁卯各省照數核減湖南減四名今定例中舉人四十三名內民卷四十一名官卷二名但官卷計數二十名取中一名湖南自己卯科以來俱不足二十名之數其官卷中額二名派入民卷取中俟官卷足數再照定例辦理又五經遺額內或二名或三名例係湖南湖北輪科分中合共舊額四十五六名每舉人五名額中副榜一名合共副榜九名又嘉慶十三年戊辰奉準部覆乾鳳永並保靖四廳縣苗疆土子三十名以上者另編邊字號額內取中一名苗生鄉試十五名以上者另編田字號額外取中

一名均照例五經應試如不足數毋庸另編字號仍歸入通省取中

謹案湖南文闈鄉試中額道光以前以四十六名四十七名相閒輪中恭逢

恩詔廣額湖廣照大省例加中三十名南北兩省各半分中湖南

應加十五名咸豐辛亥科應中四十七名廣額十五名共中

六十二名壬子科應中四十六名乙卯科應中四十七名兩

科均於丁巳年補行共中九十三名戊午科應中四十六名

捐輸加廣永遠中額七名共中五十三名己未科應中五十

四名永遠加廣七名在內是科未及舉行辛酉科應中五十三名二次

捐輸加廣永遠中額三名合前案共永廣十名又平江營捐輸口糧暫

廣一次中額一名共五十七名是科亦未舉行同治壬戌科

應中五十七名

永遠加廣
十名在內

恩詔加十五名捐輸暫廣一次中額九名共八十一名並補行己
未科五十四名共中一百三十五名甲子科應中五十六名
捐輸暫廣一次中額十一名共六十七名並補行辛酉科五
十七名共中一百二十四名丁卯科應中五十七名捐輸暫
廣一次中額十五名共中七十二名庚午科應中五十六名
暫廣十三名共中六十九名癸酉科應中五十七名暫廣十
七名共中七十四名光緒乙亥科應中五十六名
恩詔加十五名共中七十一名丙子科應中五十七名

一每舉人一名定例取錄科舉八十名副榜一名取錄科舉

四十名每科文到卽將文武兩闈應須硃墨二卷紙張按照
科舉名數先於司庫借支銀三百四十兩詳請委員前赴涇
縣購買設局製造俟賣卷完日將卷價歸還原款又詳委臬
司首領官一員並理問廳職名於卷尾開列

近科卷紙
奉改新章

一嘉慶十三年經司詳明嗣後鄉試之年貢監及捐職人等
赴地方官起文應試者令將原捐執照呈縣驗明實在年歲
若干一面給文赴學院衙門投遞聽候錄科一面將生職等
應試驗照查明實在年歲緣由具文通報仍由學院於點名
時取照查對年歲與照內開載相符始準收考

一乾隆三十六年奉部覆準嗣後正副考官用墨筆謄錄書
手用硃筆內簾房考內監試及內收掌官外簾自監臨提調

監試及受卷彌封謄錄對讀外收掌等官均改用紫筆其原
用紫筆之對讀生改用赭黃筆並議題紙俱用墨刷印其卷
尾印卷官戳記及一切應用藍色之處俱改用紫色乾隆四
十三年奉準部咨同考閱卷仍用藍筆其內收掌及內簾書
吏均用藍筆惟主考仍用墨筆內監試仍用紫筆

一三場題紙例由巡撫衙門 奏進

一文藝詩策內遇

聖祖仁皇帝廟諱上一字寫元字下一字寫煜字

世宗憲皇帝廟諱上一字寫允字下一字寫禎字

高宗純皇帝廟諱上一字寫宏字下一字寫歷字

仁宗睿皇帝廟諱上一字右邊缺一撇一點下一字右邊第二火字

改寫又字

宣宗成皇帝廟諱上一字缺中一點下一字寫甯字

文宗顯皇帝廟諱下一字右邊缺一直一鈎

穆宗毅皇帝廟諱下一字右邊子字寫日字

皇上御名下一字口字缺末筆

至聖先師諱偏旁加卩字如作正字仍以違禁論惟

圖丘不加卩旁

亞聖孟子諱宜避

一乾隆五十三年二月內奉準大學士九卿議奏向來限用夫蓋今夫且夫等字樣主試者臨期酌量顛倒限令遵行毋庸按年排定又嗣後首場題紙限用夫蓋且夫今夫等字樣

應卽刻於四書每題之下
嘉慶四年停止選用詩韻數十字應卽刻
於詩題之下並將添註塗改款式卽在三場題紙之末刊刻
挨號散給其默寫頭場某項亦刻於二場題紙後與題目同
時發給

一刊頒士子卷內添註塗改款式冊頒發遵行嘉慶六年奉
準部咨奏定嗣後墨卷中有空白者罰停一科草稿脫寫題
目如係脫寫一二字均免議如係脫寫全題雖非弊竇究屬
違式應貼又奏定卷內添註塗改字數不差卽爲無弊均免
貼出若並字數添改仍應貼出

一乾隆四十八年遵奉新例嗣後舉人於墨卷自行點勾勾
股對讀生將謄出硃卷詳加校正一一照式點勾則硃墨卷

改寫又字

宣宗成皇帝廟諱上一字缺中一點下一字寫甯字

文宗顯皇帝廟諱下一字右邊缺一直一鈎

穆宗毅皇帝廟諱下一字右邊子字寫日字

皇上御名下一字口字缺末筆

至聖先師諱偏旁加卩字如作正字仍以違禁論惟

園丘不加卩旁

亞聖孟子諱宜避

一乾隆五十三年二月內奉準大學士九卿議奏向來限用夫蓋今夫且夫等字樣主試者臨期酌量顛倒限令遵行毋庸按年排定又嗣後首場題紙限用夫蓋且夫今夫等字樣

應卽刻於四書每題之下

嘉慶四年停止

選用詩韻數十字應卽刻

於詩題之下並將添註塗改款式卽在三場題紙之末刊刻
挨號散給其默寫頭場某項亦刻於二場題紙後與題目同
時發給

一刊頒士子卷內添註塗改款式冊頒發遵行嘉慶六年奉
準部咨奏定嗣後墨卷中有空白者罰停一科草稿脫寫題
目如係脫寫一二字均免議如係脫寫全題雖非弊竇究屬
違式應貼又奏定卷內添註塗改字數不差卽爲無弊均免
貼出若並字數添改仍應貼出

一乾隆四十八年遵奉新例嗣後舉人於墨卷自行點句勾
股對讀生將謄出硃卷詳加校正一一照式點勾則硃墨卷

不致舛錯飭令各直省一體遵辦

一嘉慶八年奏準查向例二場默寫頭場詩文互異在十數字者俱免議竊思摘寫頭場詩文字數無多若錯至十數字恐有情弊請嗣後默寫頭場惟互異在十字以內者方準其免議

一鄉試文闈定例頭場於初九日卯刻發粥並鹽魚午刻放

飯及湯肉龍門餅等物二場則十二日三場則十五日一體

發給近科令士子自行備辦科場前一體酌發錢二百四十文

一乾隆四十八年奉準部咨議準嗣後令各房於頭場閱薦既畢即將二三場通行細閱如實有出色佳卷準其補薦頭場聽主考酌量取中若頭場制藝疵類過甚即二三場間有

善化縣志 卷之十二
可採亦不準取中

嘉慶十年欽奉

上諭嗣後著考試官恪遵定例先閱頭場後閱二三場先校薦卷後搜落卷務宜恪秉虛公以冀廣收俊乂欽此

一應給舉子衣帽扁額先期行知長善二縣置備呈送監臨院衙門發領鹿鳴宴後恭謁

文廟行禮

一南省舊例揭曉後主考房官檢點中式舉人及副榜各硃墨卷包封送交藩司衙門於九月十一二日呈請巡撫印封於上藩司印封於下同額解會試場內經費銀一百三十五兩一併交委員領解赴部掣批繳銷

一主考撰擬鄉試錄前後序跋及中式舉人詩文經策選定
底本交內監試備文申送藩司衙門動項刊刷成本俟武闈
場竣同武鄉試錄詳給火牌賫解赴部

一嘉慶六年奉準部咨嗣後各省題名錄均於姓名下註明
年歲其年老諸生不必拘定入學年分如果三場完竣一體
奏請

施恩其進京與否悉聽其便至例監捐監歲月十科以前曾經應
試者卽照生員等七十八十歲數之例一體 奏請

賞給又監臨於榜後核實該省有無老生亦於摺內聲明

嘉慶九年甲子科南省鄉試遵照部行鄉試題名錄內註明
年歲在於省城三學教官內遴委二員於揭曉後傳令進院

協同供給官及書吏人等將繕寫進

呈題名錄逐本逐字磨對清楚並照例取具磨對無訛印結同
題名錄一併於揭曉後詳送監臨部院查對以免舛錯

一揭曉後內簾收掌試卷官將所收薦過硃墨二卷及摺開
未薦硃墨落卷各卷箱分別查點封固具文批解藩司衙門
查明各房硃墨薦卷及未薦硃墨卷飭發各府州縣學令士
子赴學領看不得指索仍飭將收到領看姓名造冊報查

乾隆四十八年奉準部咨落卷儻有遺失不能領出者將經
手書吏等徹底根究鄉會試一體辦理並責成內外收掌官
隨時查對逐卷造冊稽查如有割換藏匿情弊原卷遺失未
經察出者將收掌官照例分別議處

一號軍務選正軍每十名內以一人爲號首將號軍面用印記預造檔冊送該管處於初七日點進卽於號舍內歇宿俟三場旣畢令其出場

乾隆九年甲子科接準部咨將是科中式舉人副榜放榜後巡撫會同學院於本衙門關防覆試將試卷當卽封號賚

部紙加磨勘後停止又五十九年甲寅

恩科以提督與藩司爲監臨撫部院於榜後覆試解卷送京次科停止

雍正二年奉文貢院坐號將干字文內不佳字樣及忌用字樣概行檢摘不用光緒二年因湖南人數較多添修坐號新

舊編定開列於後

金爲露致雲調律成閏冬秋暑寒列辰盈字以上十七號明遠樓東生霜結雨騰

陽呂歲餘藏收往來張宿昃宙地以上十八號明遠樓西
 翔淡河鹹海薑芥重菜李果光夜稱珠闕巨號劍岡崑出玉
 水麗以上二十五號西雲路內竹在鳳鳴場歸賓率體壹
 邇食文以上十三號西北文場內化被萬方才良必長信
 使可覆器欲量以上十五號北文場西慎美誠初篤正表
 端形立名建德行詩墨以上十六號北文場東福緣善慶
 資事曰嚴與敬似蘭斯馨如松之盛容止若思言辭安定榮
 業所基以上三十號又北文場內籍學登仕政存以甘棠
 益詠樂殊貴禮傅訓以上十七號新北文場內

武鄉試見行事宜

一每逢子午卯酉年舉行武鄉試大省於十月初五日小省
 於初七日為始考試馬步箭技勇十三日巡撫入闈十四日
 武生入內場十五日考試策論設遇風雨難以較試將入闈
 日期展限一二日其內闈考試策論日期亦照例辦理
 嘉慶十二年議準內場策論改為默寫武經由主考官擬出

一段約百餘字有不能書寫或塗寫錯亂者卽爲違式其試卷照舊彌封士子統於本日出場毋許住宿

一定例考試馬步箭之外再試以開弓舞刀掇石弓十二力刀一百二十斤石三百斤爲頭號弓十力刀一百斤石二百五十斤爲二號弓八力刀八十斤石二百斤爲三號

嘉慶十八年停

止舞刀道光元年仍試舞刀

一舊例湖廣共中四十九名分闈定額湖北二十五名湖南

二十四名

咸豐以後武闈廣額皆奉文照額取中

鄉約

宣講

聖諭

雍正七年奉部文覆準凡州縣城內及大鄉村各立講約之所設約正一人於舉貢生員內揀選老成有學行者爲之值月三四人選樸實謹守者爲之置二籍德業可勸者爲一籍過失可規者爲一籍值月掌之月中則告於約正而授於其次每月朔日舉行先期值月預約同里之人夙興集於講約之所俟約正及耆老里長皆至相對三揖眾以齒分左右立設案於庭中值月向案北面立抗聲宣讀

聖諭廣訓各人肅聽約正復推說其義必剴切丁寧務使警悟通

曉未達者仍許其質問講畢如此鄉內有善者眾推之有過者值月糾之約正詢其實狀眾無異詞乃命值月分別書之值月遂讀記善籍一徧其記過籍呈約正及耆老里長默視一徧皆付值月收之事畢眾揖而退歲終則考校其善過彙冊報於州縣官設爲勸懲之法有能改過者一體獎勵

嘉慶四年奉

上諭各省地方有司每逢朔望有傳集民人宣講

聖諭廣訓之事如果膺民牧者能教以大義於國家設立科條摘其大端剴切宣示俾園聽之民知所領悟則不但循謹善良聞而忻慕卽桀驁不馴之徒亦當知所斂戢況地方大小官員有教育斯民之責豈可視爲迂闊置之不講嗣後不但朔望宣讀

聖諭廣訓當明切講論卽公堂聽獄赴鄉勸農時皆可隨時誨導
啟發顓蒙庶默化潛消可漸收易俗移風之效毋得視爲具文
虛應故事特此通諭各督撫督率所屬實意奉行於化民成俗
之道朕實有厚望焉

講約禮儀

每月朔望預擇寬潔公所設香案屆期文武官齊集著蟒服
禮生唱序班行三跪九叩首禮興退班依次坐地軍民人等
環立肅聽禮生唱恭請開讀司講生詣香案前跪恭奉

聖諭詣講案前司鐸者振鐸司講生高聲朗宣畢禮生唱請宣講
聖諭司講生按次每人一款輪講通講畢司講北面一躬退立司
磬擊磬三聲約正以下俱徹班肅退

講約圖

司鼓

佐貳

教官

鄉民聽講

縣官

木鐸

香

約贊

約正

講

二人輪講

聖諭
十條

案

約贊

約副

案

約講

以節勞逸

鄉官

木鐸

舉人

鄉民聽講

司磬

監生
生員

縣官不至則鄉官以下升直推代

鄉飲酒禮

大清會典順治初令京府及直省府州縣每歲舉行鄉飲酒禮設賓僎介主酒席於存留錢糧內支辦凡以申明朝廷之法敦序長幼之節遂爲定制

禮儀

歲孟春望日孟冬朔日於儒學行鄉飲酒禮預期舉耆年致仕德望懋著者一人爲大賓次介次三賓次眾賓以正官爲主人教官一人爲司正贊禮執事以生員先一日執事者依圖設坐於講堂司正率執事習儀黎明主人偕僚屬執事生均詣學迺速賓僎介以下賓介至主人出迎於庠門之外賓介東面主人西面揖入眾賓從三揖三讓而後升堂東西相

向立兩拜揖就位有仕至顯官偶居鄉里願出迎拜坐

如前儀坐定贊者贊司正揚觶以下行禮執事者引司正由

西階升詣堂中北面立賓僎以下皆立司正揖眾皆揖司爵

酌酒於觶以授司正司正揚觶而語曰恭惟

朝廷率由舊章敦崇禮教舉行鄉飲非爲飲食凡我長幼各相

勸勉爲臣盡忠爲子盡孝長幼有序兄弟恭內瞻宗族外

和里黨無或廢墜以忝所生迺畢飲以觶授司爵揖眾皆揖

司正復位眾皆坐執事者舉律令案於堂中讀律令者詣案

北面立賓僎以下皆立揖如前讀律令曰凡鄉飲酒禮序長

幼論賢良年高有德者居上其次序齒列坐有過犯者不得

干與違者罪以違制失儀則揚觶者以禮責之讀畢退司僎

舉案於賓前次僎次介次主三賓以下各以次舉訖賓主起
席北面立司爵酌酒授主主受爵詣賓前置於席稍退兩拜
賓答拜訖司爵又斟酒授主主受爵詣僎前置於席交拜如
前儀退復位賓酬主人僎從之司爵斟酒授賓賓受爵詣主
置於席稍退兩拜賓僎主交拜訖各就位執事者分左右立
介三賓眾賓以下以次斟酒於席訖工升鼓瑟歌鹿鳴酒三
行司饌供羹笙磬作奏南陔閒歌魚麗笙由庚司爵以次酌
酒司饌供羹者三迺合樂歌關雎工告樂備執事者徹饌案
賓僎以下皆起僎主僚屬居東賓介三賓眾賓居西均兩拜
訖以次下堂分東西行主人送於門外如初迎儀

附
作樂

會典凡鄉國之樂府州縣鄉飲設雲璈一方響一琴二瑟一
簫四笙四笛四手鼓一拍板一正月以大簇爲宮十月以應

鐘爲宮

御製補笙詩樂譜

正月大簇商立宮 倍無射變宮調

御製南陔三章 二章章六句
一章八句

笙譜

我 變宮
合

逝 商
乙

南 角
上

陔 變徵
尺

言 變徵
尺

陟 羽
凡

其 變徵
尺

岵 變宮
六

昔 變徵
尺

我 角變徵
尺

行 羽
凡

役 羽
凡

瞻 羽
凡

望 變宮
六

有 變徵
尺

父 羽
凡

欲

凡羽

養

六宮

無

尺徵

由

尺徵

風

六宮

水

六宮

何

乙商

補

乙商

我

六宮

逝

六宮

南

尺徵

咳

凡羽

言

凡羽

陟

六宮

其

尺徵

岷

上角

今

乙商

我

合宮

行

尺徵

役

凡羽

瞻

凡羽

望

合宮

有

上角

母

乙商

母

尺宮

也

乙商

倚

凡羽

廬

凡羽

歸

合宮

則

凡羽

甯

乙商

止

乙商

南

尺徵

咳

乙商

有

尺徵

筍

合宮

籜

尺徵

實

乙商

包

尺徵

之

上角

孱

合宮

孱

合宮

孩

尺徵

提

尺徵

孰 變尺徵

慎 變合宮

潔 乙商

今 乙商

日 乙商上角

御製由庚四章 章四句

笙 譜

王 變合宮

東 變合宮

六 乙商

八 變合宮

噢 變合宮

爾 變尺宮

爾 乙商

爾 變合宮

月 乙商上角

庚 乙商

西 凡羽

符 上角

風 凡羽

咻 凡羽

温 凡羽

旨 變尺徵

不 凡羽

其 乙商

便 上角

朔 變合宮

調 變尺徵

節 上角

之 凡羽

清 變合宮

肴 上角

養 變合宮

悃 變合宮

便 乙商

南 變尺徵

夔 凡羽

宣 乙商

王 變尺徵

庚 凡羽

容 變尺徵

容 凡羽

朔 上角

南 乙商

西 變尺徵

東 上角

惟 變尺徵

敬 凡羽 變尺徵

與 乙商

勤 乙商

百 上羽

王 變尺徵

道 變尺徵

同 凡羽

王 變尺徵

庚 凡羽

廓 變尺徵

廓 凡羽

東 變尺徵

西 變尺徵

南 乙商

朔 上角

先 變尺徵

憂 凡羽

而 上角 變尺徵

憂 凡羽

後 上角

樂 乙商 變尺徵

而 凡羽

樂 凡羽

王 變尺徵

庚 凡羽

恢 變尺徵

恢 凡羽

南 乙商

朔 乙商

東 變尺徵

西 上角

皇 變尺徵

極 凡羽

孰 變尺徵

建 變尺徵

惟尺變徵

德尺上角變徵

之乙商

依尺變宮合

十月應鐘清羽立宮 林鐘變徵主調

御製南陔三章

笙譜

我尺清變徵

逝尺清凡羽

南尺清變宮六

陔尺清宮五

言尺清宮五

陟尺清上角

其尺清宮五

咭尺清變徵

昔尺清宮五

我尺清變六宮清

行尺清上角

役尺清上角

瞻尺清上角

望尺清變六宮清

有尺清宮五

父尺清上角

欲尺清上角

養尺清變尺徵

無尺清宮五

由尺清宮五

風尺清變尺徵

木尺清上角清變尺徵

何尺清凡羽

補尺清凡羽

我尺清變尺徵

逝尺清變尺徵

南尺清宮五

陔尺清上角

言 清角 上

陟 清變尺 徵

其 清五 宮

祀 清變尺 六 宮

今 清尺 羽

我 清尺 變 徵

行 清五 宮

役 清尺 上 角

瞻 清上 角

望 清尺 變 徵

有 清六 變 宮

母 清尺 羽

母 清五 宮

也 清尺 羽 變 清五 宮

倚 清上 角

廬 清尺 上 角

歸 清尺 變 徵

則 清上 角 變 清尺 徵

甯 清尺 羽

止 清尺 羽

南 清五 宮

咳 清上 角

有 清五 宮

筍 清尺 變 徵

籜 清五 宮

實 清上 角

包 清五 宮

之 清六 變 宮

孱 清尺 變 徵

孱 清尺 變 徵

孩 清五 宮

提 清尺 五 宮

孰 清五 宮

嗅 清尺 變 徵

咻 清上 角

之 清尺 上 角

慎 清尺 變 徵

爾 清五 宮

温 清上 角

清 清尺 變 徵

潔 清五 變 宮

爾 清尺 羽

旨 清五 宮

肴 清尺 變 宮

今 清羽 尺

爾 清變 尺 徵

不 清角 上

養 清變 尺 徵

日 清宮 五

月 清羽 尺 變

其 清羽 尺

怡 清變 尺 徵

御製由庚四章

笙譜

王 清變 尺 徵

庚 清羽 尺

便 清變 尺 宮

便 清宮 五

東 清變 尺 徵

西 清角 上

朔 清變 尺 徵

南 清宮 五

六 清羽 尺

符 清變 尺 宮

調 清宮 五

變 清角 上

八 清變 尺 徵

風 清角 上

節 清變 尺 宮

宣 清羽 尺

王 清宮 五

庚 清角 上

容 清變 尺 徵

容 清角 上

朔 清變 尺 宮

南 清羽 尺

西 清宮 五

東 清變 尺 宮

惟 清變 尺 徵

敬 清羽 尺 變

與 清羽 尺

勤 清羽 尺

百 清角 上

王 清宮 五

道 清變尺 徵

同 清角 上

王 清宮 五

庚 清角 上

廓 清變尺 徵

廓 清角 上

東 清宮 五

西 清宮 五

南 清羽 凡

朔 清變尺 宮

先 清變尺 徵

憂 清角 上

而 清變尺 宮

憂 清角 上

後 清變尺 宮

樂 清羽 尺

而 清角 上

樂 清角 上

王 清宮 五

庚 清角 上

恢 清變尺 徵

恢 清角 上

南 清羽 凡

朔 清變尺 宮

東 清宮 五

西 清變尺 宮

皇 清宮 五

極 清角 上

孰 清宮 五

建 清變尺 徵


惟 清宮 五

德 清變尺 宮

之 清羽 凡

依 清變尺 宮

鄉飲酒禮圖



迎春禮儀

先期塑造土牛 芒神前一日各官具吉服綵仗鼓樂迎春

於東郊土牛南向

芒神位東西向立春日早陳設香燭酒果各官具朝服齊集

次所 禮生贊 排班 贊 跪各官行一跪三叩首禮 興 贊 跪奠酒

領班官奠酒三爵 贊 興各官行一跪三叩首禮 興昇土牛

芒神行香亭鼓樂前導各官朝服後隨至領班官及各官執

綵仗環立土牛兩旁 贊 擊鼓 樂工播贊 鞭春 各官環繞擊土

牛三匝 贊 禮畢

土牛式

土牛胎骨用桑柘木身高四尺 象四時 長三尺六寸 象三百頭

至尾長八尺

象入節

尾長一尺二寸

象十月

鞭用柳枝長二尺四

寸象二十四氣

牛色以本年為法頭角耳用本年天干身用本年

地支蹄尾肚為納音

如天干甲乙屬木色青地支亥子屬水色黑納音如甲子年立春納音屬金用

白餘

做此籠頭拘索以立春日日干為籠頭色拘用桑柘木索視

立春日支

寅申巳亥謂之孟日用麻子午卯酉謂之仲日用苳辰戌丑未謂之季日用絲

造牛以冬

至節後辰日於歲德方取水土

甲年東方甲位乙年西方庚位丙年南方午位丁年北方

壬位戌年東南方戊位己年東方甲位庚年西方庚位辛年南方丙位壬年北方壬位癸年東南方戊位

歲前立

春芒神執策當牛肩元旦後立春當牛腹上元後立春當牛

膝農事早晚即此可定

芒神式

芒神服色用立春日支

辰受尅為衣色尅衣為繫腰色如子日立春屬水衣取土尅水用黃色繫

腰取木尅土用頭髻用立春日納音爲法金日平梳兩髻在青色餘日倣此

髻在耳後水日平梳兩髻右髻在耳後左髻在耳前火日平梳兩髻左髻在耳前右髻在耳後土日平梳兩髻在頂直上

罨耳用立春時爲法從卯至戌入時罨耳用手提陰時右手提陽時左手提從亥至寅四時罨耳或

揭或掩寅時揭從左邊子丑二時全戴蓋寅亥鞋袴行纏以時爲通氣故揭一邊子丑時爲嚴凝故全戴

立春納音爲法逢金木繫行纏鞋袴金行纏左闕懸在腰左木行纏右闕繫在腰右水日俱全火日俱無

士日著袴無老少以立春年爲法寅申巳亥年老子午卯身行纏鞋子酉年壯辰戌丑未年幼身

高三尺六寸五分象一年三百六十五日陽年立牛左陰年立牛右歲

前後五日內立春芒神立與牛並歲前五日外立春則立牛

前後五日外立春則立牛後

迎春禁例

附

康熙十二年覆準嗣後直省府州縣各官拜迎芒神土牛止

用鼓吹綵亭其勒令鹽商當舖行戶裝扮故事臺閣排列金珠張鼓樂樹旗幟併科派里長提取馬匹車輛伶人娼婦等項嚴行禁止如有前項糜費並各官借端派累該督撫科道題參交與該部議處

迎喜神禮儀

正月上吉日文武官具吉服齊集撫院衙門各營千總把總率領隊目兵丁俱戎服整隊伍聽令候吉時軍門府啟升礮三聲官弁率兵丁過隊出吉門至迎神方向排兩翼站立中軍官稟請

旗纛至

神棚左右序立巡撫具禮服文武儀仗出署至棚升坐礮三聲

千總把總二員馳報

喜神至將弁以下俱跪迎樂作俟

喜神將至礮三聲樂止陰陽官持牌跪稟

某時

喜神至巡撫起立

引贊生贊詣

神位前

唱贊生

上香

三跪

文武官皆跪

獻帛

初獻爵

亞

三讀文畢

唱

叩首

三興

礮一聲各營兵整隊演排鎗三次

唱

讀祝者捧祝

司帛者捧帛

詣燎所望燎

巡撫率文武官望燎畢

唱

復位巡撫升棚大座文武官行庭參禮都守千把以下行

三叩首禮畢回院中軍官詣大堂行安

旗纛禮

上香

三

一跪

三叩首禮畢

祝文

惟神位嚮離明功宏兌說相見爲喜隨時有欣暢之情體
物乃神到處普陽和之福茲當履端伊始特隆迎喜之儀瑞
氣祥風拂旌旗而有耀卿雲霽日被鷓鷯以咸欣三軍之壁
壘維新封圻永靖四序之雨暘時若豐稔頻書兵民遵道路
而歡欣苗土戴

恩威而感忭南紀之民安物阜喜溢

天顏

九重之甘露和風

恩來湘楚凡茲喜氣悉荷

神庥謹蠲吉而告虔冀

神明之昭鑒尙

饗

婚禮

凡民公以下百官未受爵之子父爲納婦者禮視其父已受職者各從其品

凡民公婚禮納幣金約領一金簪四金珥二緞衣四襲緞衾褥三具侯伯婚禮金簪減一餘皆準公

凡一品官婚禮納幣金約領一金簪三金珥二緞衣三襲緞衾褥三具二品官衣及衾褥各減一三品官金簪減一四品官衣及衾褥又各減一無金簪五品六品以下均同其金約領及金珥四品以下各視其力能具者備用軍民以下婚禮納幣衣一襲衾褥一具

凡有品級官員婚嫁或用本官執事鼓樂人不得過十二鐙不得過十二生監軍民不得僭用執事鼓樂人不得過八鐙不得過八庶民婦女不得僭用冠帔補服大轎

喪禮

一會典載一品官鞍馬六匹初祭筵十席羊五大祭同二品官鞍馬五匹初祭筵八席羊四大祭同三品官鞍馬四匹初祭筵六席羊三大祭同四品官鞍馬三匹初祭筵五席羊三大祭同五品官鞍馬二匹初祭筵四席羊二大祭同六品以下有頂帶官員以上鞍馬二匹初祭筵三席羊二大祭同兵民鞍馬一匹初祭筵二席羊一大祭同

一會典載凡有頂帶官員周年百日上墳常祭祭筵羊隻各

善不集記 卷之十二 三
照定例內減半用庶民常祭亦照定例從減

一會典載棺罩一二品官用銷金青藍等緞三四五品官用青藍雲緞六七八品官用青素緞及青藍緞九品以下官員生監用青絹兵民用青布如伊父母原有官封誥命準照品級使用

一會典載官員等喪葬除賃用扛輦棺罩執事外其鞍馬衣箱等項量力照例備用力不能備者聽其節省奇巧樓臺等項概從禁止

一通禮載品官發引靈車役夫二品以上六十四人五品以下上四十八人八品以上三十二人九品及有頂帶者二十四人庶人十六人

墳塋石獸一品職官塋地九十步墳高一丈六尺二品塋地
八十步墳高一丈四尺三品塋地七十步墳高一丈二尺以
上石獸並六四品塋地六十步墳高一丈五品塋地五十步
墳高八尺以上石獸並四六品塋地四十步七品塋地二十
步墳高六尺以上發步皆從塋心數至邊五品以上許用碑
龜趺螭首六品以下許用碣石方趺圓首席人塋地九步穿
心十八步止用壙銘

民公以下兵民以上居喪二十七月內不宴會不鼓樂不娶
妻納妾門戶不換舊符

妻離妾門司不效舊俗

男公也下疑與以土獄勇二十少以內不長會不效樂不樂

亦十八世也世風離散

離散離散六世也下移風習各代規離離以人望以此世變

世離高六只以土籍也世變也心變至離在品也土籍風習

離高天只以土不離也四六只以世也四世也品世離二十

土不離也世也品世離六十世離高一衣正品世離五十世

八十世離高一衣四只三品世離也十世離高一衣三只也

善化縣志卷之十二終

善化縣志卷之十二終